



Na sesión celebrada na data que se indica, adoptouse o seguinte

ACORDO:

Na cidade de Ourense, a dous de marzo de dous mil catro

Visto o expediente de clasificación do monte como veciñal en man común coa denominación de Asperón, por solicitude dos veciños de Pexeiros, do concello dos Blancos (Ourense).

Resultando que con data 4 de marzo de 2001, tivo entrada no rexistro da Delegación Provincial da Consellería de Medio Ambiente en Ourense, escrito dirixido ao Xurado Provincial de Montes Veciñais en Man Común asinado polos veciños do lugar de Pexeiros, concello dos Blancos (Ourense), solicitando se declare o monte *Asperón* como veciñal en man común.

Resultando que o Xurado Provincial en sesión de data 23 de abril de 2002 acordou tomar en consideración o citado escrito e iniciar o expediente de clasificación do monte e dos membros do xurado designáronse instructores do expediente a Belén Bris Marino e Miriam Areal López, que aceptaron tal cargo na mesma sesión. Remitíronse comunicacións dirixidas aos veciños do lugar de Pexeiros, á Deputación Provincial de Ourense, ao Concello dos Blancos, á Xerencia Territorial do Catastro, á Delegación Provincial da Consellería de Política Territorial, Obras Públicas e Vivenda,





ao Servizo de Montes e Industrias Forestais da Consellería de Medio Ambiente, á Delegación Provincial da Consellería de Política Agroalimentaria e Desenvolvemento Rural e ao Rexistro da Propiedade de Xinzo de Limia.

Publicáronse edictos no *Diario Oficial de Galicia* e no taboleiro de anuncios do Concello dos Blancos durante o prazo dun mes segundo consta en dilixencia estendida ó dorso do edicto polo secretario do citado concello, para que durante o prazo sinalado os interesados puidesen comparecer ou intervir nel, en defensa dos seus dereitos, e non consta presentada ningunha alegación..

Resultando que a anotación preventiva de iniciación do expediente, se practicou no Rexistro da Propiedade de Xinzo de Limia, como segue:

Predio nº 7.384, ao Folio 92, do Tomo 679, Libro 33 dos Blancos.

Resultando que na tramitación do expediente se cumpriron tódalas formalidades legais.

Considerando que o Xurado Provincial de Montes Veciñais en Man Común ten xurisdicción e competencia para coñecer os expedientes de clasificación dos montes que teñan tal carácter a teor do establecido no artigo 9 da citada Lei.





Considerando que o tipo de comunidade xermánica que institúe a Lei de montes veciñais en man común ten como características esenciais as seguintes:

- 1) Que os condominios se unen por vínculos persoais de veciñanza agrupados en parroquias, aldeas, lugares, casaríos ou barrios non constituídos formalmente en entidades municipais;
- 2) Que polo tanto o número de titulares é variable e indeterminado;
- 3) Que o patrimonio colectivo é utilizado e aproveitado polo veciño, en canto membro da agrupación veciñal, faltando a idea de cota no sentido xurídico-romano;
- 4) Que o patrimonio e a participación é inalleable, imprescritible e inembargable;
- 5) Que a comunidade é indivisible, non podendo os comuneiros pedir a "*actio communi dividundo*".

Considerando que segundo informacións e testemuños resulta que os montes citados son aproveitados e posuídos en réxime de comunidade xermánica polos veciños do lugar de Pexeiros, no concello dos Blancos.

Os datos do citado monte son os que se referencian na parte dispositiva deste acordo.





Considerando que das informacións recollidas resulta que os veciños do lugar de Pexeiros, están conformes coa clasificación do citado monte como veciñal en man común,

Considerando que a teor do disposto na Lei de montes veciñais en man común o expediente de clasificación se iniciou por acordo do xurado, por instancia dos veciños do lugar de Pexeiros, para que este xurado puidese acordar a iniciación do expediente de clasificación.

Vista a Lei galega 13/1989, do 10 de outubro, de montes veciñais en man común e o seu Regulamento: o Decreto 260/1992, do 4 de setembro, así como o establecido na Lei de réxime xurídico das administracións públicas e do procedemento administrativo común, do 26 de novembro de 1992.

Visto o Decreto 14/2002, do 24 de xaneiro, polo que se establece a estrutura orgánica da Consellería de Medio Ambiente.

O Xurado Provincial de Clasificación de Montes Veciñais en Man Común, á vista dos antecedentes e fundamentos expostos e por unanimidade dos seus membros:

ACORDA:





Primeiro, - Clasificar o monte coa denominación *Asperón*, de 33 ha en conxunto, aproximadamente, de superficie a favor dos veciños do lugar de Pexeiros, no Concello dos Blancos (Ourense) , e cos datos que a seguir se relacionan, coma veciñal en man común, en réxime de comunidade xermánica.

Os datos do citado monte son:

Concello: Os Blancos (Ourense)

Denominación do monte: Monte Asperón

Comunidade propietaria: veciños do lugar de Pexeiros

Superficie: 33 ha , aproximadamente.

Estremas.

Norte. Propiedades particulares pertencentes ao:

- Polígono nº 46: parcelas nº 581 de Enriqueta Gómez Fornciro, nº 533 de Sergio Gil Gómez, nº 719 de Juan Antonio Gómez Arrojo, nº 528 de Teresa Vázquez Lorenzo, nº 757 de Edelmiro Gil Díaz, e outras propiedades particulares.
- Polígono nº 41: parcelas nº 481 de Irene Rodríguez Araújo, nº 374 de Pilar e Urbano Cuquejo Pena, e outras particulares.
- Polígono nº 47: parcelas nº 205 de Antonio Mandines Feiojóo, nº 207 de Antonio Rodríguez Pérez, e outras particulares.





- E o monte comunal de Tornadoiro pertencente á localidade de Aguís (Os Blancos). O linde con este monte márcase a liña imaxinaria do polígono nº 46 que une as leiras nº 580 de Enriqueta Gómez Forneiro, Enrique Gómez Arrojo e Cándida González Gómez, co nº 693 de Antonio López Gómez

Sur: Monte comunal pertencente aos veciños de Covas (Os Blancos), separado pola liña que enlaza a propiedade particular nº 1.102 de Domingo Sotelo Cuquejo cunha rocha denominada *Penedo do Escaño*, ata chegar á propiedade particular nº 373 do polígono nº 41 de Rosa Araújo Fernández.

Leste: Propiedades particulares pertencentes ao polígono nº 46: parcelas nº 695 de José e Plácido Gil Trigo, nº 724 de Enriqueta Gómez Forneiro, nº 1.078 de Agustín García Pérez, nº 1.102 de Domingo Sotelo Cuquejo, e outras particulares.

Oeste: Propiedades particulares pertencentes ao :

- Polígono nº 46: parcelas nº 581 de Enriqueta Gómez Forneiro, nº 580 de Enriqueta Gómez Forneiro, Enrique Gómez Arrojo, Cándida González Gómez, nº 376 de Luis González Rodríguez, nº 729 de Sabina Gil González, e outras particulares.

- Polígono nº 41: parcela nº 373 de Rosa Araújo Fernández.


Os límites coas propiedades particulares atópanse delimitados mediante muros de pedra e valados na terra.





Segundo.- Que se proceda á exclusión do citado monte de calquera inventario, catálogo ou rexistro público no que poidan figurar inscritos a favor de persoa ou entidade distinta á que agora se asigna a súa pertenza.

Notifíquese esta resolución ao concello dos Blancos (Ourense), aos representantes da comunidade veciñal, ao Servizo de Montes e Industrias Forestais da Consellería de Medio Ambiente, aos que se lles fará saber que esta resolución, que pon fin á vía administrativa, pode ser obxecto de recurso de reposición potestativo perante o Xurado Provincial de Clasificación de Montes Veciñais en Man Común de Ourense, no prazo dun mes, ou recurso contencioso-administrativo perante o Xulgado do Contencioso-Administrativo de Ourense no prazo de dous meses, ámbolos dous prazos a partir do día seguinte ó da publicación no *Diario Oficial de Galicia* (artigos 109 e 116 da Lei 30/1992, do réxime xurídico das administracións públicas e do procedemento administrativo común e artigos 8 e 46 da Lei 29/1998, do 13 de xullo, reguladora da xurisdicción contencioso-administrativa.)



PROYECTO DE
Clasificación do M.V.M.C. "Asperón"
pertencente ós veciños de
Pexeiros (Os Blancos) Ourense

ESCALA:
1: 10.000